

مشاعر الغربية

ناديت يا عين بك انعاس وانعاس
دخيل رمشك الغرام اختصرني
وصل غلا مغليك لحدود الارماس
ياراعي الرمش الضليل افترني
خليتك بهوجاس الافكار هوجاس
وقلت اعتبرني مثل ما تعتبرني
كني رمال ممحلات ويباس
ماسال فيها سيل وصل ومطرني
بالك تجي في بعض الاحيان عساس
تشوف حرمانني وعقب اتهجرني
اشوفك بليلي ومسراي نبراس
ياليت لاونيت لحظك نظرني
ماقلت لاكلمة ولا قلت لا بأس
يا خوف قلبي بالزمان اتخسرني

علي المبرد

مشاعر الغربية وانا فجمعة الناس
من بينهم تجتاحني.. واتأسرني
مدري أنا حساس والوضع حساس
والا شعور بكل لحظة غمرني؟؟
تعبت اردد لاحياة مع الياس
يوم الهموم بجيشها تختبرني
قبل انتهض واقف تجي ضربة الرأس
ترميني بمضرا بها واتعسرني
لاقال غيري يشرب المر بالكاس
انا شربته بالكفوف ودمرني
احس ضيقة صدر تجتاح الانفاس
ياثقلها واللي عرفها عذرني
لاسقت رجلي للخلا مابي اوناس
حزني على الوحدة وحيد جبرني
سارح بتفكيرى بممشا ومجلاس
واقلب اسبابي ووضعى غدرني

يامصعب الجرح

والطير الابيض ذبحته من نوى الهده
أقفيت جرحي بيديني ، شاييل ديني
لاتسأل الجرح عني واسأل المده
والدمع لاطاح من عيني فمن عيني
لاتتعب القلب تنشدني وانا ارده
وان كان لي بالقوافي حرف يعنيني
فاحروف شعري يتيمه غايب جده
أخذت منها ظماها مارتوى تيني
يَبْسَتْ غصوني وروحي مايشا جده
أعميت شوقي وماتت بي شراييني
مات الذي مات والإحساس مامده
ياحزن يكفي وحسبك ،حزن يكفيني
لاتفتق الصدر واستر جرح ماوده
والعذر لاخطيت ، عُذرا مايواسيني
مايكفي العذر / جرحك غاير حده
استصعب الجرح منك ،ليه تدميني؟
يامصعب الجرح من قلب سطا وده

هند الفهد

العذر لاخطيت ، عُذرا مايواسيني
مايكفي العذر / جرحك غاير حده
استصعب الجرح منك ، ليه تدميني؟
يامصعب الجرح من قلب سطا وده
لاضجت الآه مني / ليت توحيني
آهات ليلى ، تعدي بي وانا اعده
شفت الورق مل دمعي مايراعيني
مايمسح ادموعي لاسالت على حده
والضيق عقبك تماهى بيني وبينني
آخاف يفضح وقلبي وين والشده
والليل عيا يسافر بي ويحذيني
من السّما نجم يحملني على يده
والحزن ثوبه شحذته قلت: يكسيني
مامد لي الحزن إلا اسمال ممتده
أواه مني وآه مني وفيني
لاجيت ادور مناسم للنفس سده
ياحزن مالك ومالي ليه ترديني
مذبوحة الشوق والتبئين في صده
شباك قلبي قفلاته لاتعرييني